

Шу азиз Ватан - барчамизники!

# ГУЛОБОД ТОНГИ

Газета 1957 йил ноябрь ойидан  
“Самарқанд ҳақиқати”, 1962 йил  
августидан “Шарқ тонги”, 2004 йил  
май ойидан “Гулобод тонги” номи  
билан чиқа бошлаган.



**Виждон ҳукми**  
**Қоғозни**  
**ғижимлаб,**  
**атрофга**  
**улоқтираётган**  
**фуқаро**  
**табиатга**  
**нотўғри**  
**муносабатда**  
**бўлаётганини**  
**нахотки**  
**ўйламаса?!**

2017 йил 24 март, ЖУМА

№ 11 (8828)

Баҳоси эркин нархда

ISSN - 2010-6777

2017 йил - Халқ билан мулоқот ва инсон манфаатлари йили



## НАВРЎ САЙЛИ ЭТМОҚДА ДАВОМ

Шарқона янги йилнинг бошланиши, меҳр-оқибат рамзи, бағрикенглик, соҳоват, тинчлик ва фаровонлик ифодаси, асли миллий, энг ардоқли байрам бўлмиш Наврўзи оламнинг ташрифи қалбларимизга олам-олам қувонч бахш этаётди. Табиат уйғониб, борлик, ям-яшил тусга кирган, кўнглида эзгу ниятлар куртак ёзаётган ана шундай фарахбахш дамларда мазкур бебаҳо айёмни соғинганимизни теран англаймиз. Шу боис бугун туманимизда катта хурсандчилик билан тантана қилинган байрамга “Хуш келибсан, ўлкамизга Наврўз, қадаминг қутлуг бўлсин!”, дея пeshовоз чикдик.

Туманимизда ҳам Наврўз байрами 17 март куни амфитеатрда ҳамда ўйингоҳда ҚФЙ, коллеж ва мактаблар жамоаси томонидан ташкил этилган хунармандчилик кўргазмалари, қушлар ва гуллар растаси, миллий урф одатлар намоиши барчада катта таассурот қолдирди. Бу йил Равонак, Чордара,

Янгиарик, Хожа Ахори Вали каби қатор маҳалларда Наврўз сайллари ташкил этилиб, сайилларда янграган куй-қўшиқлардан барча баҳра олди.

Абу Райхон Беруний бундан минг йил аввал ўзининг “Қадимги халқлардан қолган ёдгорликлар” асарида Наврўзни таърифлаб берган бўлса, Умар Хайёмнинг “Наврўзнама” асарида ушбу айёмнинг келиб чиқиши, ажодларимизнинг шунга боғлиқ урф-одатлари, шунингдек, сумалак ҳақида батафсил маълумотлар бор, -деди туман ҳокими Ботир Қодиоров ўзининг табрик сўзида. Наврўз баҳорда кун ва туннинг баробар бўлиши ҳамда миришкор бобо-деҳқонларимиз баҳорги юмушларга жиддий киришлари палласидир. Аждодларимиз асрлар буйи Наврўз кунлари дошқонларда сумалак қайнатишни келатган янги йилнинг баракали, файзли ва серҳосил бўлиш рамзи деб билганлар.

Барча қишлоқ ва маҳал-

лаларимизда, корхона ва ташкилотларда Наврўз байрами кенг нишонланди. Байрам арафасида йигирмага яқин савдо ва маиший хизмат нўқталари фойдаланишга тайёрлаб қўйилди. Наврўз кунлари иқтисодий норой оилаларга мурувват ёрдамлари кўрсатиш, тўшакда ётган бемор ва ногиронлар ҳолидан хабар олиш аънаънага айланган, жорий йилда ҳам бу хайрли ишлар давом эттирилди.

Жорий йилда тумани ижтимоий-иқтисодий ривожлантириш, қишлоқ хўжалиги соҳасида амалга оширилаётган ислохотларни бугунги кун талабига мувофиқ изчил давом эттириш, саноат ва ишлаб чиқариш корхоналарига чет эл сармояларини олиб киришни янада кенгайтириш, қурилиш ва бунёдкорлик борасида замонавий уй-жойлар, савдо ва маиший хизмат нўқталари, йўлларни таъмирлаш, аҳолини ичимлик суви ва электр энергиясига бўлган эҳтиёжини янада қондириш борасидаги тадбирларимиз

талайгина. Айниқса, соғлиқни сақлаш, таълим, аҳоли бандлигини таъминлаш тизимида сезиларли даражада ижобий ўзгаришлар қилиш белгиланган.

Ҳа, мовий самодда баланд учайётган бозбарақлар, кураш майдонида беллашадиган умидли ёш пахлавонлар, куй-қўшиқларни қойил макор ижро этаётган кекса ва навқирон санъат фидойилари, рақсга тушайётган бахтиёр опа-сингиллари-миз мисолида юртимиздаги муштақам тинчлик, барқарор тараққиёт, фаровон турмуш манзаралари қалбларини фахр-ғурур, шодлик ва сурурга тўлдирди.

Ҳамманинг тилида “Наврўз муборак бўлсин!”, “Тинч-омон юртимизга шукруналар” деган самими истаклар янграб турибди.

Хуллас, Наврўзи олам сайллари давом этмоқда.

**Н.ОЛИМОВ**  
**СУРАТДА ТАДБИРДАН**  
**КЎРИНИШЛАР АКС ЭТГАН.**  
**Суратлар муаллифи**  
**Б. КОДИРОВ,**  
**Б. ЗОХИР**

## ЧЕМПИОНЛИК МУБОРАК!



Яқинда Таиланд давлатининг Бангкок шаҳрида спортнинг Муай-тай тури бўйича 2017 йилги жаҳон чемпионати мусобақаси бўлиб ўтди. Унда мамлакатимиз терма жамоаси сафида туманимиздаги 1 ва 2-сон Болалар ва ўсмирлар спорт мактаби тарбияланувчиларидан иборат вакилларимиз ҳам муваффақиятли иштирок этишди. Қизгин ва мurosасиз ўтган беллашуларда Шахруз Жўраев, Аслан Ортиқов, Шахриёр Жўраев, Темура Булаков, Шероз Холмирзаев, Сунатилло Рашидов, Шароф Садуллаев, Шерзод Эргашевлар ўз вази тоифаларида чемпионатнинг олтин медалларини қўлга киритган бўлсалар, Темура Жабборов профессионал жанг голиби бўлди. Биз чемпионларимизни улкан ютуқлари билан муборакбод этамиз.

**Т.ЮСУПОВ**

## ҲАРАКАТЛАР СТРАТЕГИЯСИ – ТАРАҚҚИЁТ ТАЯНЧИ

Ўзбекистонда ахборот оқими ҳеч қачон бугунги кундагидек тезкор ва шиддатли тус олмаган. Мамлакатимизда нафақат ҳар куни, балки ҳар соатда ҳаётнинг ўзи тақозо қилаётган улкан ўзгаришлар рўй бераётгани медиа-мақомага ана шундай қайноқ рух бахш этаётди. Буларни матбуот нашрларидан ҳам билиб олса бўлади. Негаки, ҳозир ҳар бир журналист, ҳар бир мухбир мамлакатимизда юз бераётган ҳодиса-воқеаларни ўрганиб, мушоҳада қилиб газета-журналлар саҳифаларига олиб чиқмоқда. Ўзини шу диёрнинг хушбағарчиси деб билган ҳар бир матбуот ходими янгиликларни ўз шарҳи билан халққа етказмоқда. Яқинда вилоятимизнинг энг кўзга кўринган “Hotel Register” меҳмонхонасининг анжуманлар залида Ўзбекистон мустақил босма ОАВ ва ахборот агентликлари кўллаб-қувватлаш ҳамда ривожлантириш жамоат фонди томонидан “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси”ни “Халқ билан мулоқот ва инсон манфаатлари йили”да амалга оширишга оид Давлат дастури”нинг бажарилиши устидан кенг жамоатчилик назоратини ўрнатишда ОАВнинг роли”га бағишланган тадбирда булар алоҳида қайд этиб ўтилди.



мавий анжуманлар уюштириляпти. Анжуманларнинг таҳлилий баёни, илғор хорижий тажриба, халқаро ташкилотлар ва экспертларнинг баҳолари ўрганилиб чиқилляпти.

Тадбирда Самарқанд вилоят адлия бошқармаси бошлигининг биринчи ўринбосари Хусан Хўжамқулов, Адвокатлар палатаси вилоят ҳудудий бошқармаси вакили Акбар Тўшбеков, Самарқанд иқтисодиёт ва сервис институтини профессори Мамаюсуф Пардаев ва бошқалар сўзга чиқиб, Ҳаракатлар стратегиясида назарда тутилган ҳаётини ислохотлар, уларни амалга ошириш механизмлари мамлакатимизда ислохотлар самарадорлигини кескин ошириш, давлат ва жамиятнинг ҳар томонлама жадал ривожлантириш учун шарт-шароитлар яратиш, барча соҳани модернизация қилиш ва эркинлаштиришдек эзгу мақсадлар амалга оширилаётгани хусусида тўхталишди.

Халқ депутатлари вилоят Кенгашининг Ижтимоий-маданий ривожлантириш масалалари бўйича доимий комиссия раиси, вилоят драма Театри директори Баҳодир Шароф, Фуқаролик жамияти шаклланишини мониторинг қилиш мустақил институти Самарқанд ҳудудий бўлими ходими Элёр Улугмуродов, Ўзбекистон Миллий Университети докторанти Отабек Тиллаевлар ҳам анжуманда сўз олиб жамоатчилик назорати мақсади ва вазифаларига тўхталиб, фуқаролик жамияти институтлари, босма ахборот воситаларининг мазкур соҳадаги энг муҳим вазифаси фуқароларнинг фикрлар хилма-хиллиги ва ўз хоҳиш-иродасини эркин ифода этиш асосида ахборотдан фойдаланиш имкониятига ҳар томонлама қўмаклашшиларни лозимлигини ўқдиришди.

Анжуманда Журналистлар бу борада амалга оширилиши зарур бўлган вазифалар, фуқароларнинг ахборот соҳасидаги Конституциявий ҳуқуқини янада кенгроқ амалга ошириш механизмларини жорий этиш, давлат ҳокимияти ва бошқаруви органларининг қабул қилинган қарорлар сифати учун масъулиятини ошириш ҳамда уларнинг самарали фаолият юритишини янада қучайтириш, давлат ҳокимияти органлари фаолиятини жамоатчилик учун янада ошқоқра формада ташкил қилиш, юртимизга амалга оширилаётган ислохотларнинг, мамлакатимиз ва хорижда кечаятган воқеа-ҳодисалар хусусида фикрлар хилма-хиллиги ва сиёсий плюрализмни ҳисобга олган ҳолда таъминлаш борасида ўз фикр ҳамда мулоҳазаларини билдирдилар.

Тадбирни “Зарафшон”-“Самарқандский вестник” газеталари бош муҳаррири Фармон Тошев якунлаб вилоят оммавий ахборот воситалари ходимлари олдида турган муҳим вазифалар ҳақида гапирди ва барчанинг келгуси ишларига омадлар тилади.

**Н.МУҲАММАД**

## МАҚСАД – ИНСОН МАНФААТЛАРИ

**Мамлакатимиз Президентини Шавкат Мирзиёевнинг шу йил 7 февралдаги “Ўзбекистон Республикасини янада ривожлантириш ҳаракатлар стратегияси тўғрисида”ги Фармони билан тасдиқланган бешта устувор йўналишлар бўйича ҳаракатлар стратегияси матбуотда эълон қилинди.**

“Стратегия” сўзи луғатларда барқарор ва мувозанатли ривожлантиришни таъминлашга йўналтирилган, ўз ичига ўрта ва узок муддатли устувор мақсадлар ва энг асосий вазифалар тизимини олувчи стратегик режалаштириш ҳужжати сифатида таърифланади.

Шунинг учун ҳам мазкур Ҳаракатлар стратегиясининг давлатимиз раҳбари томонидан ишлаб чиқиши ва тасдиқланишида ҳам ўзига хос мазмун ва маъно мўжассам. Ушбу Ҳаракат стратегияси бешта устувор йўналишдан иборат бўлиб, улар ўзаро узвий боғлиқ ва бир бирини тўлдирди ва тақозо этиб, давлат ва жамият қурилишини такомиллаштирмасдан, қонун устуворлигини таъминламасдан ва суд-ҳуқуқ тизимини янада ислоҳ қилмасдан туриб, иқтисодиётни янада ривожлантириш ва либераллаштиришга эришиб бўлмаслигини билдиради. Ушбу ҳужжат демократиянинг барча асосий

талабларига риоя қилган ҳолда тайёрланди. Унинг пойдеворига фуқароларнинг сайловолди учрашувларда билдирган фикрлари, жисмоний ва юридик шахсларнинг муносабатларида кўтарилган масалалар асос қилиб олинди. Энг муҳими, Ҳаракатлар стратегияси ва унинг асосида тайёрланган Давлат дастури лойиҳалари экспертлар иштирокида кенг муҳокама қилинди. Шу ўринда биринчи устувор йўналиш – “Давлат ва жамият қурилишини такомиллаштириш” йўналишига тўхталадиган бўлсак, у уч бўлимдан иборат бўлиб, демократик ислохотларни чуқурлаштириш ва мамлакатни модернизация қилишда Олий Мажлис палаталари, сиёсий партияларнинг ролини янада қучайтириш, давлат бошқаруви тизимини ислоҳ қилиш ва жамоатчилик бошқаруви тизимини такомиллаштириш масалаларини қамраб олган.

Шуни ҳам қайд этиш жоизки, давлат дастурида назарда тутилган “Давлат ҳизмати тўғрисида”, “Давлат бошқаруви асослари тўғрисида”, “Маъмурий тартиб-таомиллар тўғрисида”-ги янги қонун лойиҳалари давлат бошқаруви тизимини комплекс ислоҳ қилишга қаратилган бўлиб, ушбу туркум қонунларнинг асосий мақсади ва мазмуни давлат халқ идорасини ифода этиб, унинг манфаатларига хизмат қилишини, давлат жамият ва фуқаролар олдида масъулиятини амалда таъминлашдан иборатдир.

“Жамоатчилик назорати тўғрисида”ги Қонун лойиҳасини ишлаб чиқиш, ҳар бир туман (шаҳар)да “Халқ қабулхона”ларини ташкил этиш муҳими ижтимоий, социал-иқтисодий аҳамиятга эга норматив-ҳуқуқий ҳужжатлар лойиҳаларини интернет тармоғидаги расмий веб-сайтларга жойлаштириш ва бошқа муҳим тадбирлар назарда тутилган.

Умуман, Ҳаракатлар стратегиясининг асосий мақсади – инсон манфаатларини, фуқароларнинг муносиб ҳаёт кечиришларини таъминлашга қаратилган. Шунинг учун ҳам ҳар бир юртдошимиз, фуқаролик жамияти институтлари ҳаракатлар стратегияси ва унинг асосида қабул қилинган Давлат дастурини ҳаётга тадбиқ этишда ўзларининг фуқаролик позицияси асосида фаол қатнашшиларни лозим.

**Санжар СОЛЕЕВ,**  
**жиноят ишлари бўйича Самарқанд вилоят судининг катта мутахассиси, Ўзбекистон Республикаси юристлар малакасини ошириш Маркази тингловчиси**

**Самарқандда об-ҳаво:**  
25.03 - Кундузи +13... +15 Кечаси +10... +12 26.03 - Кундузи +21... +23 Кечаси +8... +10